



Br: 04/2-1-910/25-1817/1

P R E D L O G

19.11.2025. godine

PLATFORMA

radne posjete ministra dijaspore Mirsada Azemovića Bosni i Hercegovini,

25-27. novembra 2025. godine

OPŠTE INFORMACIJE

Ministar dijaspore Crne Gore, Mirsad Azemović, boraviće u radnoj posjeti Bosni i Hercegovini, u periodu od 25. do 27. novembra 2025. godine. Poziv za posjetu je uslijedio od strane Udruženja građana porijeklom iz Sandžakam, povodom prisustva na svečanoj Akademiji povodom obilježavanja 20. novembra – Dana Sandžaka i 25. novembra Dana državnosti Bosne i Hercegovine, koja će se održati 26. novembra u Sarajevu.

Ovi značajni datumi obilježavaju se u znak sjećanja na osnivanje Zemaljskog antifašističkog vijeća narodnog oslobođenja Sandžaka (ZAVNOS), održanog u Pljevljima 1943. godine i osnivanje Zemaljskog antifašističkog vijeća oslobođenja Bosne i Hercegovine (ZAVNOBiH), održanog 25. novembra 1943. godine u Mrkonjić Gradu.

Na svečanosti će biti upriličena dodjela stipendija učenicima i studentima za školsku/akademsku 2025/2026. godinu, kao i priznanja donatorima koji su svojim doprinosom podržali obrazovanje mladih i rad Udruženja.

ZNAČAJ POSJETE

Posjeta ministra dijaspore Mirsada Azemovića je od velike važnosti za pripadnike dijaspore-iseljenika u Bosni i Hercegovini, prije svega u dijelu jačanja veza matične države sa pripadnicima dijaspore-iseljenika u zemlji prijema. Osim toga, ova posjeta predstavlja simbol podrške predstavnicima dijaspore Crne Gore u njihovim naporima da očuvaju svoj identitet, običaje i kulturne vrijednosti.

SASTAV DELEGACIJE

U delegaciji koju će predvoditi ministar dijaspore Mirsad Azemović će biti i:

- **Dženana Kuč**, državna sekretarka;
- **Denis Martinović**, v.d. generalnog direktora Direktorata za saradnju sa dijasporom.

Troškove posjete delegacije snosiće Ministarstvo dijaspore.

Zaključak vlade:

Vlada Crne Gore je na sjednici održanoj _____ 2025. godine razmotrila i utvrdila predlog platforme radne posjete ministra dijaspore Mirsada Azemovića Bosni i Hercegovini, 25-27. novembra 2025. godine.

Članovi delegacije Ministarstva dijaspore su:

- Mirsad Azemović, ministar;
- Dženana Kuč, državna sekretarka;
- Denis Martinović, v.d. generalnog direktora Direktorata za saradnju sa dijasporom.

Troškove posjete delegacije snosi Ministarstvo dijaspore.

Obavezuje se Ministarstvo dijaspore da nakon službenog puta dostavi izvještaj.